

Annwyl Gwsmer,

Cau Cangen Heb Gynllunio
Swyddfa Bost Llangamarch
Llangamarch, Powys, LD4 4EA

Rydym yn ysgrifennu atoch i roi gwybod fod y gangen uchod, yn anffodus, yn dilyn ymddiswyddiad y postfeistr a'r ffaith nad yw'r adeilad ar gael wedyn i'w ddefnyddio gan Swyddfa'r Post, wedi cau ddydd Iau, 31 Gorffennaf 2025 am 13:00. Mae'n ddrwg iawn gennyf am fod yn hwyr yn rhoi gwybod ichi y tro hwn.

Hoffwn eich sicrhau ein bod wrthi'n ystyried sut y gallwn adfer gwasanaeth Swyddfa'r Post i'r gymuned leol. Wrth wneud hyn, mae'n bwysig fod unrhyw wasanaeth yn y dyfodol yn gynaliadwy i'r sawl sy'n rhedeg y gwasanaeth, ac i Swyddfa'r Post Cyfyngedig.

Bydd darpariaeth yn y dyfodol yn adlewyrchu nifer y cwsmeriaid a'r defnydd a wneir o'r gwasanaeth, ac mae'n bosibl y cymerwn y cyfle i sefydlu math gwahanol o wasanaeth. Gall fod yn wasanaeth allgymorth lle mae Postfeistr o gangen gyfagos yn cynnig y cyfleuster gydag oriau agor sydd yn adlewyrchu nifer y cwsmeriaid sy'n debygol o ddefnyddio'r gwasanaeth.

Os oes gennych unrhyw gwestiynau am hyn, byddwch cystal ag ysgrifennu ataf trwy'r Tîm Ymgynghori Cenedlaethol yn y cyfeiriad a nodir ar ddiwedd y llythyr. Sylwch na fydd eich sylwadau'n cael eu cadw'n gyfrinachol oni fyddwch yn gofyn i ni wneud hynny wrth nodi "Cyfrinachol / In Confidence" yn glir arnyn nhw.

Byddai unrhyw newidiadau i ddarpariaeth gwasanaeth yn y dyfodol yn cael eu trafod yn unol â'n Hegwyddorion Ymgysylltu â'r Gymuned. Mae detholiad sy'n ymwneud â Hysbysu ar ddiwedd y llythyr hwn.

Byddwn yn gosod poster i yn y gangen i roi gwybodaeth i gwsmeriaid.

Os ydych yn gynrychiolydd lleol, byddai'n ddefnyddiol pe gallech rannu'r wybodaeth hon drwy eich sianeli cyfryngau cymdeithasol ac unrhyw grwpiau neu sefydliadau lleol yn y gymuned – er enghraifft ar hysbysfyrddau, ymhlith elusennau lleol ac mewn meddygfeydd, er mwyn helpu ein cwsmeriaid a'ch etholwyr i ddeall yr hyn sy'n digwydd i'r Swyddfa Bost yn y gymuned leol. Os hoffech gael cyflenwad o bosteri, rhowch wybod i ni, os gwelwch yn dda.

Rydym yn ymddiheuro am unrhyw anhwylostod y gallai'r cau ei achosi. Gobeithiwn y bydd ein cwsmeriaid yn dal i ddefnyddio gwasanaethau Swyddfa'r Post. Ar ddiwedd y llythyr hwn, mae manylion am ganghennau eraill Swyddfa'r Post yn yr ardal. Mae'r wybodaeth ddiweddaraf am ganghennau ar ein gwefan www.postoffice.co.uk/branch-finder.

Os ydych yn gynrychiolydd lleol, byddwn yn ysgrifennu atoch unwaith eto pan fydd gennym newyddion am ein cynlluniau ar gyfer darparu gwasanaeth yn y dyfodol.

Yr eiddoch yn gywir,

Fiona Shanahan

Fiona Shanahan
Rheolwr Newidiadau Ardal

Sut i gysylltu â ni:
comments@postoffice.co.uk
postofficeviews.co.uk
FREEPOST Your Comments

Canghennau eraill

Mae yna adegau o bosibl pan fydd ein canghennau'n gorfod newid eu horiau agor. Mae'r wybodaeth ddiweddaraf am ganghennau, gan gynnwys gwasanaethau Swyddfa'r Post eraill yn yr ardal, ar ein gwefan www.postoffice.co.uk/branch-finder

I gael gwybod mwy am y cynhyrchion sydd ar gael, ffoniwch 03457 223344.
Mae manylion am werth uchaf trafodion ar gael gan bostfeistr y gangen.

Rydym yn gwerthu gwasanaethau'r Post Brenhinol a Parcelforce Worldwide.
Mae gwasanaethau post gan gwmnïau eraill hefyd ar gael mewn canghennau penodol.

Swyddfa Bost Llanwrtyd	Gwasanaethau ar gael
Heol Beulah Llanwrtyd Powys LD5 4RF	Yn cynnig gwasanaethau tebyg, yn ogystal ag Arian Teithio mewn Ewros, ond dim Treth Cerbydau.

Yr oriau agor	Mynediad						
<table><tr><td>Llun–Gwen</td><td>07:00 – 12:00</td></tr><tr><td>Sad</td><td>Ar Gau</td></tr><tr><td>Sul</td><td>Ar Gau</td></tr></table>	Llun–Gwen	07:00 – 12:00	Sad	Ar Gau	Sul	Ar Gau	Mae'r llawr i mewn i'r adeilad yn wastad.
Llun–Gwen	07:00 – 12:00						
Sad	Ar Gau						
Sul	Ar Gau						

Cyrraedd yno

Tua 4.2 milltir o gangen Swyddfa'r Post Llangamarch, ar hyd tir amrywiol ei natur. Mae modd parcio y tu allan i'r gangen. Mae yna wasanaeth bws cyfyngedig rhwng cangen Llangamarch a'r gwasanaeth hwn, ac mae arhosfan bysiau o fewn 85 metr i'r gangen.

Swyddfa Bost Llanfair-ym-Muallt	Gwasanaethau ar gael
1 Y Stryd Fawr, Llanfair-ym-Muallt, LD2 3DN	Yn cynnig gwasanaethau tebyg, ynghyd ag Arian Teithio mewn Ewros/Doleri, ond dim Yswiriant Teithio Ar Gais.

Yr oriau agor	Mynediad						
<table><tr><td>Llun–Gwen</td><td>09:00 – 17:30</td></tr><tr><td>Sad</td><td>09:00 – 14:00</td></tr><tr><td>Sul</td><td>Ar Gau</td></tr></table>	Llun–Gwen	09:00 – 17:30	Sad	09:00 – 14:00	Sul	Ar Gau	Mae stepen fach wrth fynedfa'r adeilad.
Llun–Gwen	09:00 – 17:30						
Sad	09:00 – 14:00						
Sul	Ar Gau						

Cyrraedd yno

Tua 8.1 milltir o gangen Swyddfa'r Post Llangamarch, ar hyd tir amrywiol ei natur. Mae modd parcio am gyfnod cyfyngedig y tu allan i'r gangen. Mae yna drafnidiaeth gyhoeddus rhwng cangen Llangamarch a'r gwasanaeth Swyddfa'r Post hwn.

Swyddfa Bost Y Bontnewydd-ar-Wy	Gwasanaethau ar gael
Y Bontnewydd-ar-Wy Llandrindod LD1 6LH	Yn cynnig gwasanaethau tebyg, yn ogystal ag Arian Teithio mewn Ewros, ond dim Treth Cerbydau.

Yr oriau agor	Mynediad						
<table><tr><td>Llun – Iau</td><td>08:00 – 18:30</td></tr><tr><td>Gwen a Sad</td><td>08:00 – 20:00</td></tr><tr><td>Sul</td><td>09:00 – 14:00</td></tr></table>	Llun – Iau	08:00 – 18:30	Gwen a Sad	08:00 – 20:00	Sul	09:00 – 14:00	Mae'r mynediad i'r adeilad drwy gyfrwng ramp.
Llun – Iau	08:00 – 18:30						
Gwen a Sad	08:00 – 20:00						
Sul	09:00 – 14:00						

Cyrraedd yno

Tua 10.8 milltir o gangen Swyddfa'r Post Llangamarch, ar hyd tir amrywiol ei natur. Mae modd parcio y tu allan i'r gangen. Mae yna drafnidiaeth gyhoeddus rhwng cangen Llangamarch a'r gwasanaeth Swyddfa'r Post hwn.

I gael yr wybodaeth hon mewn fformat gwahanol, er enghraifft mewn print bras, sain neu braille, ffoniwch 03452 66 01 15 neu 03457 22 33 55 (ffôn testun).

Egwyddorion Ymgysylltu â'r Gymuned ynghylch newidiadau i rwydwaith Swyddfa'r Post (detholiad)

Mae fersiwn llawn o'r ddogfen hon ar gael ar ein Hyb Ymgynghori - postofficeviews.co.uk

Rydym wedi ymrwymo i ymgysylltu â'n cwsmeriaid a'u cynrychiolwyr ac i'w cefnogi wrth i ni wneud newidiadau i rwydwaith Swyddfa'r Post. Dilyniir yr Egwyddorion a ganlyn wrth gyfathrebu am newidiadau i'ch cangen Swyddfa'r Post leol.

Byddwn yn **Hysbysu** – pan fyddwn yn rhoi gwybod i gwsmeriaid am newidiadau ynghylch:

- Oriau agor
- Cau nas cynlluniwyd¹/ ymyriad a gynlluniwyd i wasanaeth
- Ailagor cangen a gaewyd yn yr un safle
- Agor cangen newydd nad yw'n ymwneud â chau blaenorol
- Lleoliad yn cael ei ddefnyddio gan Swyddfa Bost Symudol mewn cymuned
- Masnachfreinio cangen a Reolir yn Uniongyrchol yn ei safle cyfredol lle nad oes unrhyw newidiadau i'r mynediad i fan gwasanaeth Swyddfa'r Post.

Byddwn yn gosod poster yn y gangen (neu gerllaw os yw hynny'n briodol) er mwyn rhoi gwybod i gwsmeriaid am y newidiadau uchod, gan geisio rhoi pedair wythnos o rybudd. Efallai na fydd modd rhoi pedair wythnos o rybudd ar gyfer newid nas cynlluniwyd ac, os felly, rhoddwn rybudd cyn gynted ag y medrwn. Ar gyfer pob cau byddwn yn cynnwys manylion am y Swyddfeydd Post agosaf a manylion am ein llinell gymorth / ffôn testun i gwsmeriaid.

Rhoddwn wybod i gynrychiolwyr etholedig lleol sydd yn cynnwys ond heb fod yn gyfyngedig i'r Aelod Seneddol, Senedd yr Alban, Senedd Cymru, neu Gynulliad Gogledd Iwerddon, Prif Weithredwr yr Awdurdod Lleol, Cynghorwyr Ward, Y Cyngor Cymuned neu'r Cyngor Plwyf, elusennau dethol, Cyngor ar Bopeth Lleol, Age UK, Disability Action Gogledd Iwerddon a Rhwydwaith Cymunedau Gwledig Gogledd Iwerddon. Hefyd, anogir yr uchod i rannu pob gwybodaeth â grwpiau a sefydliadau lleol a allai, yn eu barn, fod a diddordeb gweithredol mewn newidiadau i'w Swyddfa Bost leol.

Cafodd yr Egwyddorion hyn eu cytuno â Chyngor ar Bopeth, Consumer Scotland a Chyngor y Defnyddwyr yng Ngogledd Iwerddon, cyrff gwarchod statudol annibynnol y defnyddwyr.

Beth i'w wneud os ydych yn teimlo na ddilyniwyd yr Egwyddorion hyn:

Cysylltwch â ni, os gwelwch yn dda, fel y gallwn ymchwilio i'ch cwyn. Yn ein hateb byddwn yn esbonio a ydym yn credu ein bod wedi dilyn ein Hegwyddorion Ymgysylltu â'r Gymuned a chewch y manylion cyswllt ar gyfer y corff gwarchod defnyddwyr priodol (Cyngor ar Bopeth, Consumer Scotland neu Gyngor y Defnyddwyr yng Ngogledd Iwerddon) os nad ydych yn fodlon â'n hateb. Bydd y corff gwarchod yn gwneud asesiad annibynnol i weld a ydym wedi dilyn y broses Egwyddorion Ymgysylltu â'r Gymuned (yn hytrach na'r penderfyniad ei hun) ac yn argymhell unrhyw gamau i'w cymryd ynghylch y cwyn.

Postofficeviews.co.uk

Comments@postoffice.co.uk

FREEPOST Your Comments

Ffoniwch: 03452 66 01 15

Ffôn Testun: 03457 22 33 55

¹ Os nad oedd y cau wedi ei gynllunio, adolygir y gwasanaeth a ddarperir yn yr ardal, ar sail y defnydd cyfredol, modelu ac argaeledd unrhyw fodel gwasanaeth addas arall. Gwneir penderfyniad masnachol os ceisir cael gwasanaeth yn lle'r un a gafodd ei gau ac ni fydd yn rhwym wrth ymgynghoriad cyhoeddus.